



Rendaquint 2021 – deliberaziun a man da la RC

La suprastanza cumünala ha deliberà in sia sezzüda il bilantsch ed ils rendaquints dal quint da gestiun e dal quint d'investiziun a man da la radunanza cumünala da rendaquint. Ils resultats sun allegraivels e fan spranza per l'avegnir finanziel dal Cumün da Zernez.

Ledscha pulizia

Ils gremis respunsabels sun repassats l'ultim sböz da la ledscha da pulizia. La suprastanza prevezza da preschantar la ledscha in üna prosma radunanza cumünala chi ha lö i'l decuors da l'on 2022. Davo la decisiun da la radunanza vain la ledscha suottamissa a la votaziun a l'urna.

Ruzön III a Zernez – vendita d'üna parcella da fabrica

La suprastanza ha decis da vender la parcella da fabrica no. 1254 da la seguonda etappa da Ruzön III a Zernez ad ün giuven indigen.

Radunanza cumünala - tractandas definitivadas dals 25 mai 2022

La glista da tractandas per la radunanza cumünala dals 25 mai 2022 es gnüda sancziunada. A quista radunanza vain preschantà principalmaing il rendaquint 2021.